

खबरां

1. पच्छिम बंगाल च विधानसभा चुनां दे दुए ते खीरी चरण आस्तै 5 बजे धोड़ी तकरीबन 90 फीसदी लोकें मतदान कीता।
2. प्रधानमंत्री नरेंद्र मोदी होरें मेरठ गी प्रयागराज कन्नै जोड़ने आले 594 किलोमीटर लम्में गंगा एक्सप्रेस-वे दा उद्घाटन कीता, जेड़ा उत्तर प्रदेश दा सब्भनं शा लम्मा एक्सप्रेस-वे ऐ ते 12 जिलें थमां होइयै लंग्घदा ऐ।
3. सरकार नै केंद्री मोटर वाहन नियमें दी रूप-रेखा तैयार करदे होई मसौदा अधिसूचना जारी कीती जेदे च जैव ईंधन दे उपयोग गी बढ़ावा देने ते उत्सर्जन नियमें गी मानकीकृत करने आस्तै ईंधन वर्गीकरण च संशोधन कीता गेआ ऐ।
4. भगवा बुद्ध हुंदे पवित्र अवशेष सार्वजनिक दर्शनें आस्तै लद्दाख पुज्जे, जिंदे दर्शन पहली मई यानि बुद्ध पूर्णिमा थमां लेइयै 15 मई तगर करोआए जाडन।
5. मिजोरम च भारी बरखा कन्नै जन-जीवन प्रभावित, लगातार होआ'रदी बरखा कन्नै चिक्कड़ धस्सने ते चट्टानां डिगने दा खतरा बधी गेआ।
- 6 ते आई.पी.एल क्रिकेट च अज्ज संज्ञा वानखेड़े स्टेडियम च मुम्बई इंडियन्स दा मुकाबला हैदराबाद सनराइजर्स कन्नै होग।

<><><><><><>

**WB Election**

पच्छिम बंगाल विधानसभा चुनाएं दा दुआ ते खीरी चरण अज्ज सफलतापूर्वक समाप्त होआ। संज्ञा 5 बजे धोड़ी 90 फीसद लोकें मतदान कीता। एह चुनां विधानसभा दी 142 सीटें लेई 7एं जिलें च करोआए गए। कोलकाता, हावाड़ा ते 24 परगारस जिलें च मतदाताएं दी लम्मीं-लम्मीं रींगां लग्गी दियां हियां ते मतदान शांतिपूर्वक ढंगै कन्नै सम्पन्न होए। इस दरान सुरक्षा दे कड़े इंतजाम कीते गेदे हे पर इकबालपुर च जेड़ा भाबनीपुर चुनां हल्के च आंदा ऐ उत्थे बीजेपी दे नेता सुवेंधु अधिकारी दे खलाफ नारेबाजी होई। टीएमसी दी लीडर ममता बैनर्जी होरें बी इकबालपुर दा दौरा कीता। पुलस ते सुरक्षाबलें हालात गी काबू च करी लैता।

<><><><><><>

**PM-Expressway**

प्रधानमंत्री नरेंद्र मोदी होरें यू.पी दे हरदोई जिले च 594 किलोमीटर लम्में गंगा एक्सप्रेस-वे दा उद्घाटन कीता। उनें अपने संबोधन च आखेआ जे जिस तरीके कन्नै गंगा ज्हरां बरें थमां उत्तर प्रदेश दी जीवनरेखा बनियै कम्म करा'रदी ऐ, उसै चाल्ती एह एक्सप्रेस-वे बी राज्य दे विकास आस्तै जीवनरेखा दा कम्म करग। मोदी होरें आखेआ जे कुसै बी देसै दा ढांचागत विकास उत्थूं दी तरक्की ते लक्ष्य गी दर्शादा ऐ। उनें आखेआ जे गंगा एक्सप्रेस वे यू.पी दी इक नुक्कर गी दुए कन्नै जोड़दी ऐ जेदे कन्नै क्षेत्र दी कनेक्टिविटी च सुधार होग। मोदी होरें इब्बी आखेआ जे इस परियोजना कन्नै राज्य दे बक्ख-बक्ख हिस्सें गी एनसीआर कन्नै जुड़ने दी बी उपलब्धि मिलग। गंगा नदी दे ऐतिहासिक महत्व पर जोर पांदे होई प्रधानमंत्री होरें आखेआ जे आधुनिक एक्सप्रेस-वे जेड़े इस पवित्र नदी थमां निकलदे न, ओह विकास दी जीवन रेखा बनदे जा'रदे न ते इये जेई परियोजनां यू.पी दी बढ़ोत्तरी च ते भारत दी बढ़ौत्तरी च खरा मता योगदान दिंदे न। इस मौके पर बोलदे होई यू.पी दे मुख्मन्त्री योगी आदित्यनाथ होरें आखेआ जे प्रधानमंत्री मोदी हुंदे नेतृत्व च राज्य च उन्नत बुनियादी ढांचा बना'रदा ऐ जेड़ा विकास च बाढ़ा आह्मग। मुख्मन्त्री होरें इब्बी आखेआ जे खीरी 9 बरें च यू.पी च 4 लक्ख किलोमीटर शिड़क बनी गई ऐ। यू.पी एक्सप्रेस वे उद्योग विकास प्राधिकरण राएं बनाया गेदा हाई स्पीड कारीडोर यू.पी दे 12 जिलें थमां निकलदा ऐ, जेड़ा राज्य दे पूर्व, पच्छिम ते बश्कारले इलाकं गी आपस च जोड़दा ऐ।

<><><><><><>

## Govt. Motor Vehicles

सरकार नै शिडक परिवहन ते राजमार्ग मंत्रालय 1989 दे नियमें च संशोधन आस्तै इक मसौदा अधिसूचना जारी कीती ऐ। इस अधिसूचना दे मताबक सरकार नै उच्च इथेनाल ते जैव ईंधन समिश्रण लक्ष्यें दे अनुरूप, तकनीकी ईंधन वर्गीकरण दे तैहत नमें मसौदा अपडेट ते उत्सर्जन दा प्रस्ताव दिता ऐ। एह्दे च कई प्रमुख बदलावें दा प्रस्ताव रक्खेआ गेदा ऐ,जियां के हाईड्रोजन ईंधन आहले वाहनें गी हाईड्रोजन प्लस सीएन थमां हाईड्रोजन प्लस सीएनजी करी दिता गेआ।

<><><><><><>

## Buddha Relics

भगवान बुद्ध हुंदे पवित्तर अवशेष सार्वजनिक दर्शन आस्तै लद्दाख पुज्जी गए ना। एहू सार्वजनिक दर्शन अगले म्हीने दी पैहली तरीक थमां लेइयै 15 तरीक धोड़ी दिते जांगन। लद्दाख दे लेफ्टिनेंट गवर्नर विनय कुमार सक्सेना होरें होरें अधिकारिएं ते सुरक्षाबलें कन्नै मिलियै इनें पविततर अवशेषें दा वायु सेना हवाई अड्डे पर सुआगत कीता। इनें अवशेषें गी कड़े सुरक्षा इंतजामें कन्नै विशेष विमान च लद्दाख दे वायु सेना ब्हाई अड्डे तगर पजाया गेआ। ब्हाई अड्डे थमां इनेंगी जीवतमल पजाया गेआ जित्थे ओहू अगले म्हीने दी पैहली तरीक थमां सार्वजनिक दर्शन देंगन। एहू पैहली बारी ऐ जे इनें पवित्तर अवशेषें गी अपना स्थाई थमां सार्वजनिक दर्शन आस्तै मुल्ले दे अंतर्गत गै रक्खेआ जाह्ग।

<><><><><><>

## Fact Check Petrol

सोशल मीडिया उप्पर इक्क फर्जी आदेश जारी कीता जा'दा ऐ जेदे च लिखेआ गेदा ऐ जे पेट्रोल ते डीजल दे भाऽ बधी गेदे ना। पीआईबी दे फैक्ट चेक यूनिट नै एहू स्पष्ट कीता ऐ जे एहू पोस्ट फर्जी ऐ, पेट्रोलियम ते प्राकृतिक गैस मंत्रालय दे राएं ऐसा कोई बी आदेश जारी नेई कीता गेआ ऐ। सरकार नै नागरिकें गी अपील कीती ऐ जे ओहू कुसै बी स्नेय गी बगैर जांच कीते अगो नेई भेजन।

<><><><><><>

## Rajnath

रक्षा मंत्री राजनाथ सिंह होर इटली दे रक्षा मंत्री गाइजे क्रौसेटो हुंदे नै कल नमीं दिल्ली च दपक्खी गल्लबात करंगन। रक्षा मंत्रालय नै अज्ज अपने इक कथन च आखेआ जे दौनें नेता दवें मुल्लें बश्कार रक्षा सरबंधी सांझेदारी कन्नै आपसी गल्लबात करंगन। दवें मंत्रियें बश्कार बदलदे सुरक्षा परिदृश्य दे सरबंधी च क्षेत्रीय ते वैश्विक मसलें बारै बी गल्लबात होने दी मेद ऐ। भारत ते इटली बश्कार रक्षा सांझेदारी अक्तूबर 2023 थमां होर बधी ऐ कीजे 2023 च स्हाड़े रक्षा मंत्री राजनाथ सिंह होरें रोम दा दौरा कीता हा।

<><><><><><>

## Mozoram-Schools

मिजोरम दे ऐजवाल सेरचिप ते लुंगई जिले च अज्ज दुए ध्याड़े बी भारी बरखें ते तेज ब्हाएं करी स्कूल बंद रेया। इनें भारी बरखें कन्नै मिजोरम दे कई जिलें च आम जिंदगी अस्त व्यस्त होई गेई ऐ जेदे करी अधिकारियें दे आदेशें राएं उत्थे ल्हास-पस्सियां पौने ते बाढ औने ते होर मौसम सरबंधी खतरें करी स्कूल बंद करी दिते गेदे ना।

<><><><><><>

## IPL

IPL च अज्ज संजा मुम्बई दे वानखेड़े स्टेडियम च Mumbai Indians दा मुकाबला Sunrisers Hyderabad दे कन्नै होग। एहू मैच संझा साड्डे 7 बजे मुम्बई दे वानखेड़े स्टेडियम च खेडेआ जाह्ग। अंक तालिका च मुम्बई 9में ते हैदराबाद चौथी थाहर पर ऐ।

<><><><><><>

## Counting-Elections

पच्छिम बंगाल, तमिलनाडू, असाम, केरल ते पुदुचेरी च विधानसभा चुनाएं दी गिनतरी अगले म्हीने दी 4 तरीक गी होग ते कर्नाटका दे बगालकोटते दावननागेरे साउथ दे नागालैंड दे कोरीडांडा, महाराष्ट्र दे बारामती ते राहुडी गुजरात दे उमरेड च विधानसभा उपचुनाएं दी गिनतरी बी 4 मई गी गै होग।

<><><><><><>

Jaishankar

विदेश मंत्री डॉ. एस जयशंकर होरें अज्ज इक्काडोर दे विदेश मंत्री ग्रैब्रिएला सामरफेलड कन्नै मलाटी कीती। दौनें नेताएं बपार, कृषि ते क्षमता निर्माण जनेहू प्रमुख क्षेत्रें च सहयोग बदाने दे तरीकें पर चर्चा कीती। इक्काडोर दी विदेश मामलें ते मानव गतिशीलता मंत्री कल भारत पुज्जे। उंदी यात्रा दा मकसद भारत कन्नै सरबंधें गी मजबूत करना ऐ। सोशल मीडिया दी पोस्ट च विदेश मंत्री होरें भारत दी अगुवाई आह्ले अंतरराष्ट्री सौर गठबंधन ते अंतरराष्ट्री बिग कैट गठबंधन-आई.बी.सी.ए च शामिल होने दी प्रक्रिया शुरू करने दे इक्काडोर दे फैसले दा सोआगत कीता।

<><><><><><>

### Train-Services Prep.

जम्मू थमां श्रीनगर बश्कार वंदे भारत एक्सप्रेस सेवा कल्लै थमां शुरू होआ'रदी ऐ, एहदे लेई लोडचदे सारे इंतजाम कीते गए ना। प्रस्तावित एहू सेवा मौजूदा समें च वंदे भारत एक्सप्रेस इसलै कटडा ते श्रीनगर बश्कार चला'रदी ऐ ते इससै सेवा दा हुन विस्तार कीता जा'रदा ऐ। सीनियर डिविजनल कमर्शियल मैनेजर उचित सिंघल हुंदे मूजब एहू रेल गड्डी गर्म ते बर्फ दौनें तापमान च चलोग। उनें आखेआ

इस गड्डी च 20 डब्बे होडन ते 1400 यात्री लेई जाने दी एहदी समर्थ होग। एहदे कननै सैलसफा गी बढावा थ्होग। लोक इस नमीं सेवा गी लेइयै उत्सुक ना। उंदा आखना ऐ जे एहदे कन्नै खित्ते च यातायात होर सौखी होग।

<><><><><><>

### LG-Amarnath

उपराज्यपाल मनोज सिन्हा होरें जम्मू च इक उच्च सतह दी जायजा बैठक दी अध्यक्षता कीती। इस दरान ध्यान औंदी सलाना श्री अमरनाथ जी दी जात्तरा पर दित्ता गेआ। इस दरान पुलस महानिदेशक नलिन प्रभात हुंदे सने होर दुए वरिष्ठ अधिकारी मौजूद हे। बैठक च सुरक्षा इंतजामें, कनून बवस्था, सने यात्रिणं गी सुचारू ते बवस्थित ढंगै सिर सम्पन्न करोआने पर ध्यान केंद्रित कीता गेआ। उपराज्यपाल होरें सब्भनें बश्कार तालमेल ते पैदा होने आह्ली कुसै बी स्थिति पर समें सिर लोडचदी कार्रवाई करने पर जोर पाया। बैठक च चला'रदे नशामुक्त जत्तें, नशीले पदार्थे दी माड़ी कवैतू कन्नै निब्वडने ते खित्ते च इस भेडा जागरूकता पैदा करने सरबंधी कारवाइएं दा बी जायजा लैता गेआ।

<><><><><><>

### IMD

मौसम विभाग नै शनिवारें तगर ओडिशा, उत्तरी तमिलनाडू, पुदुचेरी, कराईकल ते दक्खनी तटीय आंध्र प्रदेश दे किश इलाकें च गर्म ते गुम्म आह्ला मौसम बने रौहने दी संभावना जताई ऐ। हिमाचल प्रदेश, पंजाब, हरियाणा, चंडीगढ़, दिल्ली, उत्तराखंड, बिहार ते झारखंड दे किश इलाकें च अज्ज गरज कन्नै हल्की कनी कनोन होई सकदी ऐ। कल तगर मुख दे उत्तर पच्छमी हिस्सें च ज्यादातर तापमान च 2 थमां 4 डिग्री सेल्सियस दी गिरावट औग।

<><><><><><>

### Weather

जम्मू प्रांतै दे झिगडे इलाकें च पिछले किश दिनें थमां अग बराहंदी गर्मी कोला अज्ज दना'क राहत मसूस कीती गेई। 40 डिग्री तगर पुज्जी गेदे तापमान च कल काफी कमी दिक्खने गी लब्बी ते दिनें दा बद्दोबद्द तापमान 32 इशारिया 6 डिग्री सेल्सियस रिकार्ड कीता गेआ। जंदी रातीं किश चिरै लेई अंधी झक्खड ते मगरा हल्के कनी-कनोन दे बाद अज्ज जम्मू प्रांतै च मौसम सुहाना बने दा ऐ ते किश-किश थाहरें रूकी-रूकिए हल्की बरखा बी पवै करदी ऐ। मौसम विभाग नै अज्ज बी किश अंधी-झक्खड ते गर्जी-लिश्किए हल्की बरखा पेई। किश थाहरें ऐन गडा पौने दे बी इमकान न, टकोहदा करियै दपैहरी मगरा। मौसम विभाग दी जानकारी मुजब 30 अप्रैल कोला 2 मई तगर मौसम आमतौरा पर खुश्क रौहग जिसलै कि 3 कोला 5 मई दरान हल्की बरखा दे इमकान दस्से गे ना।

<><><><><><>

### Gujrat-Accident

गुजरात च साबरकंथा जिले दे हिम्मतनगर कोल इक्क बस ते कार दी टक्कर होई जेदे च 6 लोकें दी मौत होई गेई ते 4 जख्मीं होई गए। एहू हादसा एन.एच 48 पर होआ ते घायल होए दे लोकें गी ईलाज आस्ते अस्पताल लेई जाया गेआ। पुलस दे मताबक कार च सवारियां बैठी दियां हियां जडियां शामिलाल जी थमां हिम्मतनगर जा'रदियां हियां